

蓮

蘭

詩

抄

草



蕙蘭詩抄

五言古詩

倚、秋蘭色布葉何蔥青愛此王者香著花秀中庭
幽芬散綳帙靜影依踈櫺豈必九畹多侈彼離騷經
梁武帝紫蘭始萌

種蘭玉臺下氣暖蘭始萌芬芳與時發婉轉迎節生
獨使金翠嬌偏動紅綺情二造何足懷一顧非傾城
羞將苓芝侶豈畏鷓鴣鳴

蘭澤多芳草

春蘭本無艷春澤最歲蕤燕姬得夢罷尚書奏事婦



臨池影入浪涎風香拂衣當門已芬馥入室更芳菲
蘭生不擇徑十步豈難稀

詠蘭

折莖聊可佩入室自成芳
閑花不競節含秀委微霜
蘭生野徑

披襟出蘭畹命酌動幽心
鋤罷還閑路歌喧自動琴
華燈共影落芳杜雜花深
莫言閒徑裏遂不斷黃金
李白贈友

蘭生不當戶別是閑庭畔
夙被霜雪欺紅榮已先老
謬接瑤華枝結根君王池
顧無馨香美叨沐春風吹

餘芳若可佩
卒歲長相隨

古風

孤蘭生幽園
衆草共蕪沒
雖照陽春暉
復悲高秋月
飛霜早漸瀝
綠艷恐休歇
若無清風吹
香氣為誰發

古意

崇蘭生澗底
香氣滿幽林
采之欲為贈
何人是同心
日暮徒盈把
徘徊憂思深
慨然紉雜佩
重奏丘中琴
余昔自西濱
得蘭數本移
藝於庭亦既
逾歲而芄然
蕃殖自余將
者未始以芳
艸為遇矣因
悲夫物有厭
常而返不若
混然者有之
焉

溫庭
筠詩

寓賞本殊致意幽非我情吾常有疏淺外物無重輕
各言藝幽深彼美香素莖宣為賞者設自保孤根生
易地無赤株麗土亦同榮賞際林壑近泛餘烟露清
余懷既鬱陶爾類徒縱橫妍媸苟不信寵辱何為驚
真隱諒无迹激時猶簡名幽叢靄綠畹豈必懷歸耕

陳陶種蘭

種蘭幽谷底四遠聞馨香春風長養深枝葉趁人長
智水润其根仁鋤護其芳蒿蕪不生地惡鳥乃已藏
椒桂夾四隅茅茨居中央左鄰桃花塢右接蓮子塘
一月薰手足兩月薰衣裳三月薰肌骨四月薰心腸

幽人饑如何採蘭充餽糧幽人渴如何醞蘭為酒漿
地無青苗租白日如羲皇不啻仙人藥端坐紅霞房
日夕望美人佩花正煌煌美人久不來佩花徒生光
刈獲及歲蕤無令見雪霜清芬信神鬼一葉豈可忘
舉頭愧青天鼓腹詠時康下有賢公卿上有聖明王
無階答風雨願獻蘭一筐

蘓軾題楊次公春蘭

春蘭如美人不採羞自獻時聞風露香蓬艾深不見
丹青寫真色欲補離騷傳對之如靈均冠佩不敢爇

陸游蘭

南巖路最近飯已時散策香來知有蘭遽求乃弗獲
生世本幽谷豈願為世娛無心託階庭當門任君鋤

蕙花初開

楊萬里

幽人非愛山出山將何之山居種蘭蕙歲寒久當知
初藝止百畝餘地惜奚為先生無廣居千巖一茅茨
四面止藝蕙中間纔置錐綠分宿叢脩紫擢幼枝
孤幹七八花一花破初綻西風淡無味微度成香吹
燈夢得幽馥月寓傳靜姿我欲掇芳英和露充晨炊
眷然惻不忍環翫自忘機豈無众花叶不願秋不遲
種時亂不擇歲晚悔可追

謝人送蘭 朱子

淹留閱歲序契濶心懷憂獨卧寄僧閭一室空山秋
徘徊起顧望俯仰誰為儔伊人遠贈問孤根亦綢繆
芳馨不我遺三載娛清幽愧无瓊琚報厚意竟莫酬
瞻彼南陵詩使我心悠悠

周竹坡

藝蘭當九畹蘭生香滿路綳君身上衣光明奪縑素
孤芳一衰歇凋零濕秋露佩服得君子亦足慰遲暮

盆蘭

元岑安卿

猗猗紫蘭花素秉巖穴趣移栽碧盆中似為香所誤

吐舌終不言畏此塵垢污豈無高節士幽深共情素
俛首若有思清風颯庭戶

七言古詩

溪水長涵幽艸芳春溪露滴蘭葉光美人日暮采蘭
去風吹露濕芙蓉裳夫容為裳蘭結佩玉立亭亭臨
水際天寒袖薄人不知疎雨蘭莖鳴翡翠幽蘭日日
吹古香美人不來溪水長

畫蘭圖

吳興二趙俱已矣雪窓因以專其美不須百卦樹芳
菲霜毫掃連光風起大花哆唇如笑人小花斂眉如

羞春翠影飄々舞輕浪正色不染湘江塵湘江雨冷
暮烟寂歆問三閭杳無跡愴愴不忍讀離騷

西蘭有感

李東陽

春風吹杳出芳林叢蘭閑傍西巖陰幾回欲采意不
適路轉溪迴山更深虛堂披圖對幽襟忽如攬衣度
崎嶇

五言律詩

幽蘭滿山

山徑紆徐合溪蔽到處聞竹深陰戛日木古勢干雲
倚檻聽嘯鳥攀崖採異芬韶華春已半萬物各欣々

芳蘭

春暉閑紫苑
淑景媚蘭場
映庭含淺色
凝露泣浮光
日麗參差影
風傳輕重香
會須君子折
佩裏作芬芳

李嶠蘭

虛室重招尋
忘言契斷金
英浮漢家酒
雪灑楚王琴
廣殿輕風發
高臺遠吹吟
河汾應擢秀
誰肯訪山陰

幽蘭

幽植衆寧知
芬芳只暗持
自無君子佩
未見國香衰
白露沾長草
青春風到遲
不如當路草
芬馥欲何為

詠蘭

釋無可

蘭色結春光氛氲掩众芳過門堦露葉尋澤徑連香
畹靜風吹亂亭秋雨引長灵均曾採擷紉珮挂荷裳

蕙

東坡

蕙本蘭之族依然臭味同曾為水仙佩相識楚辭中
幻色雖非實真香亦竟空云何起微馥鼻觀已先通
朱子去歲蒙學古今蕙蘭花清賞既歇復以根
叢歸之故畹而學古預有今歲之約近聞頗已
著花輒賦小詩以尋前約

秋蘭遞初馥芳意滿冲襟想子空齋裏淒涼楚客心
夕風生遠思晨露灑中林頗憶孤根在幽期得重尋

七言律詩

蘭

蘇轍

蘭生幽谷無人識，客種東頭遺我香。
知有清芬能解穢，更憐細葉巧凌霜。
根便密石秋芳早，叢倚修筠午蔭涼。
欲遣蘼蕪共堂下，眼前長見楚詞章。

蘭花

楊萬里

雪徑偷閑淺碧花，冰根亂吐小紅芽。
生無桃李春風面，名在山林處士家。
政坐國到朝市不容霜，節老雲霞江籬圓。
蕙非吾耦付與騷人定，等差香。

詠蘭

劉克莊

深林不語抱幽貞。賴有微風遞遠馨。閑處何妨依薜
砌。折來未肯戀金瓶。孤高可把供詩卷。素淡堪移入
卧屏。莫笑門無佳子弟。數枝濯濯映階庭。

盆蘭

兩盆去歲移來一。置離闌一委苔。我拙扶持令葉瘦。
君能調護遣花開。隸人挑蠹巡千匝。稚子澆泉走幾
回。亦欲效顰耘小圃。地荒終恐費栽培。共

五言絕句

詠蘭

唐彥謙

清風搖翠環。涼露滴蒼玉。美人胡不紉幽香。藹空谷。

雲蘭

幽蘭有佳氣千載幽山阿不出阿蘭若豈遭乾闥婆

詠蘭

健碧續々葉斑紅淺々芳幽香空自祕風肯祕幽香

詠蕙

朱子

今花得古名旖旎香更好適意欲忘言塵編詐能老

澗蘭

光風浮碧澗蘭杜日倚々竟歲無人採含薰只自知

春蘭

偈偈斯

深谷暖雲飛重巖花叢時非因采樵者那得外人知

秋蕙

出叢不盈尺空谷為誰芳一徑寒雲色滿林秋露香

詠蘭

能白更兼黃無人亦自芳寸心原不大容得許多香

詠蘭葉

泣露光偏亂含風影自斜俗人那解此看葉勝看花

詠蘭

並石踈花瘦臨風細葉長靈均清夢遠遺佩滿沅湘

七言絕句

詠幽蘭

婀娜花姿碧葉長
風來難隱谷中香
不因紉取堪為佩
縱使無人亦自芳

楚澤多蘭人未辨
盡以清香為比擬
蕭茅杜若亦莫分
唯取芳馨襲衣美

李徑桃蹊次第開
穠香百和襲人來
春風欲擅秋風巧
催出幽蘭綉落梅

珍重幽蘭開一枝
清香取取聽猶疑
定應欲較香高下
故取羣芳競發時

幽花耿耿意羞春
紉佩何人香滿身
一寸芳心須自保
長松百尺有為薪

谷深不見蘭生處
追逐微風偶得之
鮮脫清香本无
染更因一嗅識真如

謾種秋蘭四五莖
踈簾底事太闕情
可能不作涼風
計護得幽香到晚清

一朶俄生几案光
尚如逸士氣昂藏
秋風試與平章
看何事當時林下香

墨蘭

鏤瓊為佩翠為裳
冷落游蜂試米香
烟雨館中春寂
寂不知清夢到沅湘

詠蘭

玉戟棲_二應節分枝_一柔玉紉香雲凝妝擬待三更
月露染生綃六幅裙

蘭花

奕_二幽蘭傍砌栽紫莖綠葉向春開晚晴庭院微風
散忽送清香度竹來

手培蘭葉兩三栽日暖風和次第開坐久不知香在
室推窓時有蝶飛來

日牀千花日夜新此君竹下始知春雖無艷色如嬌
女自有幽香似德人

蕙牀

尋常詩思巧如春又喜幽亭蕙叶新本是馨香比君子
遠聞今更為何人

詞

詠蘭

綠玉叢中紫玉條幽花踈淡更香饒不將紅粉污高
標

空谷佳人宜作伴貴游公子不能招小窓相對誦離
騷

楚客才華爲發揚深林著意不相忘夢成燕國正芬
芳

莫把品名閑擬議且看青鳳羽毛長十分領取面前香

輕紅夢引綠多少剪青蘭葉巧人向月中歸留星鈿彈破真珠小

管絃不管春知道著繡簾圍繞只空被東風偷得餘香付與閑花柳

鄭思肖字所南福州人工畫墨蘭嘗自題蘭卷長丈餘高可五寸許天真爛熳超出物表題云純是君子絕無小人

蘭性好通風臺不可太高則衡陽亦不可太低

則隱風地不必曠，則有日亦不可太狹，則蔽氣
前宜南面後宜背北，蓋欲通南薰而障北吹也。右宜
近林左宜近野，欲引東日而被西陽也。夏遇炎烈則
蔭之，冬逢沍寒則曝之。下沙欲疏，則連雨不能淫
上沙欲濡，則酷日不能燥。至於插引葉之架，平護
根之沙，防鉅蚓之傷，禁螻蟻之穴，去其莠，柝除其絲，
綢助其新，篋翦其敗，葉尤當一，留意者也。

羅舍守君章桂陽耒陽人也。致仕還家，階庭忽蘭菊，
叢生人以爲德行之感焉。

芝蘭生於深林，不以無人而不芳。君子修道立德，不

為困窮而改節

蘭芝以芳未嘗見霜

大覺寺廣平王環捨宅林池飛閣比之景明至於春
風動樹則蘭開紫葉秋霜降州則菊吐黃華
與善人處如入芝蘭之室久而不聞其香則與之俱
化

十步之內必有芳蘭

同心之言其臭如蘭

霍定與友生游曲江以千金募人竊貴侯亭榭中蘭
花插帽兼自持往羅綺叢中賣之士女爭買拋擲金

錢

晁米閣中蘭花始發其姑命目之應穀目曰隱於谷
裡顯於澧潯貴比於白玉重匹於黃金既入燕姬之
夢還鳴宋玉之琴其慧敏如此

寺有崇蘭數百本秀發岩石間微風透香所至芬郁
卧龍行記

以十二花爲十二客蘭爲幽客 張敏叔

對花林香蘭宜四絕 韓熙載

高疎仙玉蜂山四畔皆幽蘭日採數十花酌明水箋
離騷自謂灵均有知當領吾意也

靜雲庵僧寮盆蘭數莖皓潔如雪

世稱三友竹有節而畫花梅有花而畫葉松有葉而
畫香惟蘭獨並有之

宋羅畸爲滁州刺史治廨宇於堂前植蘭數十本
之曰予之於蘭猶賢朋友朝襲其馨暮擷其英携書
就觀引酒對酌

吳孺子藏蘭百本靜閑一室良適幽情

白雲山上有庵前兩池產蘭玉色白午開浮水面
過時即沉人呼爲午時蘭

蜂採百花俱置股間惟蘭則拱背人房以獻於玉物

亦知蘭之貴如此

散句

蘭之猗々揚々其香

幽蘭生前庭含薰待清風々々脫然至見別蕭艾叢

僧道潛

陽崖月窟得芳叢滿握歸來誇所逢淨掃幽徑薜蘿
紫莖綠葉弄奇姿疎簾風暖日華薄芳馥滿懷君自
知

淵明

榮々窓下蘭

水光翻照樹堤蘭倒插波
蘭蕙綠清渠繁華陰綠渚

謫仙

寄君青蘭花惠好庶不絕

錢起

蘭生露後日花發夜來風

陳與義

苗分鄭七穆香發謝諸郎

馬臻

細葉舒冷翠貞葩結青陽

文彥博

熈姑夢魂誰是見謝家庭戶本來多

太白

烟閑蘭葉香風暖

更許光風爲泛香

子美

寵光蕙葉與多碧

羅隱

風引蕙心斜

樂天

閑溢蕙牀侵堦綠

李維

蕙牀烟微度綺疏



